

日本漢文學百家集 46

王焱
編



YSP
北京燕山出版社

王焱 主編

日本漢文學百家集
46

常州大學圖書館
藏書章



北京燕山出版社

第四十六册

鷺峰先生林學士全集 文集 卷三十七至卷四十八 林春勝著 元祿二年……一

鷗峰先生林學士文集卷第三十七

書十一

示田欝 巳酉仲夏

千仞之山不攀則不知其高萬頃之水不游則不知其深學問之道高於山深於水然不窺見則何測其高深哉試揚一脚加一鞭男子之志不可不企望也

畀田欝 巳酉仲夏

凡植草木水以灌之土以培之則其繁茂可以待焉棄而不顧樞以動之則其枯槁者必矣少而窺文字

亦勤則日進怠則自若而遂忘之者必矣念茲念茲

又

一雨一晴兩亦可喜晴亦可喜晴則眼彌明雨則心

自靜古云何以消長日學庸兩卷書又曰江湖十年

燈

已酉仲秋

示田攢

頃日亡嗣忌辰館生侍史十餘輩各作詩述追憶之情田攢亦在其列賦律詩并序呈上彼詩屢見之序文則初見之其中駢儷有佳對之可取而首尾相應

彼今年十五就其齡見之則可謂奇也不懈則期其
進拔若年長自若則鉛刀之一割乎今爲勵汝志授
此數語日進則爲後來之證不進則可返納焉一與
一奪在汝耳既得今日之褒莫見他日之耻也

己酉九月三朝

又

樵遊山林漁遊江湖物各有所依若使樵遊江湖漁
遊山林則非其所依必其有失也汝生於學舍長於
史館則窺經史學詞章則如樵之於山漁之於水也

無_レ微_二世上放蕩之所爲也己酉之冬

畀_二田櫝_一

櫝也陪仕之間左傳蕭選韓文共頑聞焉童冠之勤
可以嘉也所謂入芝蘭之室自化者乎嗚呼王子安
胸中萬卷汝齡既過於彼彼何人也汝何人也庶幾
其萬之一則足矣己酉之冬

與_二田櫝_一

志於歷史之學者通鑑重堆史略簡約也不堆不簡
者綱鑑也然今之學者踈懶而綱鑑亦束閣之纔見

史略以爲足矣田橫既一覽史略而頃間讀了葉氏
綱鑑七十餘卷其記臆雖未試之若知歷代之小槩
不亦可乎况齡未及弱冠則以是勿爲自足也他日
通鑑終編之志爲汝期焉勉哉

辛亥仲冬

界攢 辛亥季冬

汝攢生於我家自幼頗岐嶷有拔群之兆今年十七
所見之書比其齡則爲不少矣且前日作三友傳其
文稍可也頃自作白戰賦筆力又進矣彌不怠則益
進步者可以期焉故今授林姓准余同族以勸之以

勵之汝積自今而後孳孳勉勉逐年秀實勿忽我言

示林攢

詩經私考職原會通周年餘之間每席侍側受示諭之趣傳運筆者不誤其旨共以終編助余口之勞而息余之意自非知字會文則不能爲此小補可以嘉焉前程勉而勿懈余爲汝待遠大云

子仲冬

畧林攢

頃間所作守屋論直民加批以嘉之夫佛氏行於世既久矣故舉世以守屋爲仇妄以逆臣呼之近年偶

有慕儒之人以彼毀寺沉佛竺僧尼爲快專左祖守屋共不爲定論孰視國史則守屋奉宥穗與厩戸馬子挑戰不克而歿非儒佛相排之故然則守屋廢佛爲國爲忠奉宥穗非正議者必矣今所論抑揚得其宜可謂著眼以此推之則其所讀不爲無益乎他後其勉而勿懈壬子之冬

答林欝

材有大小長短之異各隨其量而用之者工師之良也傳曰及其使人也器之此之謂也余撰論語諺解

補自庚戌之春至癸丑之冬。頑事運筆者始三十人。然其勞有淺深多寡之異。同就中自起筆至終篇未嘗闕席者。林欝而已。其餘或務其始不遂其終。或後加而不知其前。所以欝勞超群輩也。且每席退而私寫者亦有之。然猶有闕焉。終全部者欝唯獨也。乃知彼精勤亦拔衆人也。比及終編作文賀我者。在塾徒則爲其先。可以嘉焉。汝父事我五十年。故我知汝脫胎知汝騎篠。驂知汝舐筆墨。知汝讀書而侍我。硯右出納我藏書。受我口授草我詩文。啓我塾事。各隨其

時而使之猶工師之於材也汝器亦自小而可至稱
大半自短而可至漸長乎今見汝之勤有始有終而
知不負准同姓之舉也自今而後隨其齡之長而其
器亦有成而益於我用則於汝爲幸我亦可喜也嗚
呼三十餘冊之堆三千紙葉之累四年把觚之勤不
亦久乎然在今則足以忘其勞况於汝壯強老境之
時見之則雖鎰金之賜何可換之乎所呈之賀文既
加批點了昇汝以文體詩體明辨兩部感汝頑事之
遂而開汝作文之路汝其勉旃

癸丑十月廿二日

示林攢

通鑑綱目并前續周覽終編其勤而不倦可以嘉焉
歷代事實人物議論皆備於此書志學者不可不讀
焉頃日論小松內府一篇筆力健而抑揚當乃知見
綱目之效顯於此余為汝動喜色懋哉懋哉猶期其
日新也 乙卯季夏

又

竹之可愛寓意多端或愛其清節或愛其翠密或愛
其直立或愛其幽閑或譬諸君子或譬諸丈夫或譬

諸隱逸或譬諸佳人今窗前之竹其所愛孰取其所
譬孰慕爲汝言之則讀淇澳詩而可也斐君子猶未
當唯如切如磋如琢如磨者於學問修身之上爲當
務之急著意於此有所成則他日之遠大有所庶幾
而已 乙卯之冬

示蘧榮清

後改鳴周

一日知一字則今日進於昨日况其讀一篇記一卷
乎人無生而知者不可自畫也高山積於一杯千里
起於一步汝今年知字倍於去年不亦悅乎若明年

不進於今年則不可不愧焉懋哉

丁未季春

昇榮清

道風佐理行成者以能書得三迹之名其遺墨偶存者舉世珍藏之或傳于異域或感神明或揚先祖之聲或遺貽厥之美宜哉近世文學衰而能書者無聞焉偶聊知筆法者雖自負之然以乏學問動誤點畫然則無讀書之勤則雖運筆必不免嘲也吁汝榮清頗雖臨池塗墨其所學未多讀書之餘力潛心以窺中華之法帖則其業成乎努加努加

丁未仲秋

示島周

不堪其能而食祿謂之尸祿汝頃間受學料之惠可謂幸也既受其祿則不可不勤焉無受尸祿之譏若勤而不進則生贖之分乎然人一之已十之人百之已千之則豈不有其効哉詩曰不素餐兮汝其戒之傳云學則祿在其中汝其念茲已一箇之冬

諭島周

人有不爲者有不能者汝性柔而量小故有學而難及之慮從前所作多是絕句律詩而已今般報謝文

一篇三百餘字其志之所乏太槩吐露了他後勉而不懈則文路可稱通乎然則非不能者乎乃知從前懶疎而不爲者也由是戒之勸之勉哉己酉之冬

昇島周

傳聞讀書百遍不如一遍繕寫其然乎島周寫點於文選終全部是余所命也既而再寫諸私本漸終其半則成功在近乎不爲不勞也然古人有自寫全文而加點者則其勞大於此何以爲獨勞哉况其二遍之寫豈不有便於臆記哉己酉之冬